



Page: 34

Reach: 0

Country: BOSNIA AND HERZEGOVINA

Size: 1854 cm2


1 / 4



Kristina Jozic
ostvaruje svoj životni
san u sferi policijsko-
sigurnosnih poslova

KRISTINA JOZIĆ

Ljepše lice Sipe



Kristina u svečanoj uniformi na kojoj se ističe policijska srebrna značka

Zgodna glasnogovornica Državne agencije za istrage i zaštitu (SIPA), Kristina Jozić, koju su već mnogi zapamtili s malih ekrana, otkrila nam je svoje profesionalne ambicije, ali i osobne želje i život bez uniforme



Page: 34

Reach: 0

Country: BOSNIA AND HERZEGOVINA

Size: 1854 cm2

3 / 4

Napisala **Živana Jovančić**
Snimila **Majda Balić**

Vjerovatno mnogi od nas imaju i danas predrasude prema *ljepšem spolu* koji osvaja policijsko-sigurnosne poslove. Upravo u toj sferi jedna dama danas ostvaruje svoj životni san – Kristina Jozić (32), v.d. glasnogovornica Državne agencije za istrage i zaštitu (SIPA). Djevojčice obično maštaju da budu učiteljice, doktorice, glumice, a Kristina je željela biti policajka još od djetinjstva. Divila se u to doba svom ocu i njegovom poslu u nekadašnjoj službi bezbjednosti, a mišljenje nije promijenila ni kad je stasala da sama trasira vlastiti put. Rođena Sarajka, diplomirala je na Kriminističkom fakultetu, potom je završila specijalizaciju za organizirani kriminal na Pravnom fakultetu, niz specijalističkih obuka i treninga za vrijeme rada u SIPA-i, te predmisionu obuku za mirovne operacije UN-a. Osam godina s entuzijazmom obavlja različite poslove i voli za sebe reći da je produkt Državne agencije za istrage i zaštitu, koja ju je usmjeravala, oblikovala i osposobljavala po svojim uzusima i potrebama.

Istražiteljica na opasnom zadatku

Kristina Jozić bila je istražiteljica, između ostalog, u Kriminističko-istražnom odjelu, odnosno u Odsjeku za borbu protiv trgovine ljudima, te u specijalnom timu za borbu protiv narkotika. Radila je ravnopravno sa kolegama na terenu, koji uzimaju izvještaje, privode osumnjičene osobe, kriminalistički obrađuju, ukratko, obavljaju sve policijske službene zadatke. Nikada nije osjećala strah u rizičnim situacijama, najviše zahvaljujući pripadnicima Jedinice za specijalnu podršku koji bi, "kad stave metu pod kontrolu", stvarali sigurne uslove za rad istražitelja.

"Možda šest godina nije mnogo, ali sam za to vrijeme radila na brojnim predmetima, imala sam šefove koji su stručno rukovodili te profilirali i forsirali mlade kadrove da obavljaju razne zadatke. Tako da sam često bila angažirana mimo svoje linije rada, i po pitanju terorizma, organiziranog kriminala i svih drugih oblika kriminala. Moje iskustvo je raznoliko. Imala sam priliku da kao istražiteljica službeno razgovoram s najopasnijim kriminalcima, ali i sa najranjivijom kategorijom kao što su žrtve trgovine ljudima. Njihove izvještaje znale su biti jako potresne, ne mogu a da vas ne dirnu, ali sam se trudila da uvijek budem profesionalac", riječi su bivše istražiteljice koja je pokazivala čvrstinu dok je saslušavala i gledala u oči i one opake momke koji su se našli s druge strane zakona.

"Kad nešto radite iz dana u dan, to vam postane rutina. Prilikom obavljanja svakodnevnih službenih zadataka, realizacije operativnih akcija i slično, nikada nisam osjećala strah. Uglavnom sve radimo timski. Ako se ide na teren, uzimaju izvještaje ili obavljaju drugi poslovi i zadaci, uvijek se ide u timu. Pored sebe sam uvijek imalaiskusne kolege. Od njih sam učila, 'krala' znanje, tako da nikad nisam imala problema, a kasnije sam mlađima prenosila ono što sam naučila."

Kristina se bez problema navikla i na uni-



"Volim modu i ženstveniju varijantu u odijevanju"

Page: 34

Reach: 0

Country: BOSNIA AND HERZEGOVINA

Size: 1854 cm2

4 / 4

formu. Ima ih više, ali nije neophodno da svakodnevno bude službeno i zvanično odjevena. U vrijeme našeg razgovora, u zgradi Državne agencije za istrage i zaštitu, Kristina Jozić nas je u uredu dočekala u svečanoj uniformi na kojoj se ističe policijska srebrna značka koju joj je nedavno uručio ministar sigurnosti BiH, a na prijedlog direktora agencije SIPA. Kako smo željeli da je za naš magazin fotografišemo i neformalno odjevenu, zajedno smo napustili njen ured, respektujući striktna pravila o boravku gostiju u službenom prostoru, i pješke se spustili do prizemlja. Usput, Kristina nam objašnjava da tako svakodnevno ide gore-dole jer ne želi gubiti vrijeme čekajući lift. U prizemlju zgrade pokazuje nam neveliku salu u kojoj se drže konferencije za novinare, gdje je najčešće imamo priliku vidjeti kada daje izjave za medije.

Od kada radi kao policijska službenica u SIPA-i, gotovo da nema radnog vremena. Na dispoziciji je u svako doba dana i noći, i stekla je vještinu da brzo reaguje i u redovnim i u vanrednim situacijama. Kada se realiziraju složenije operativne akcije SIPA-e, Kristina je i sama dio štaba, zna sve informacije s terena, te na licu mjesta piše informacije za novinare. Posao joj uveliko olakšava rukovodstvo agencije, koje razumije i daje značaj odnosima s javnošću, a ona je tu da se maksimalno potruži u provođenju misije rukovodstva.

“Razumijem posao novinara. Oni traže najnoviju informaciju, jako su uporni, trudim se da im budem dostupna kad god je to moguće. Treba imati strpljenja i razumijevanja za njihov posao. Osjećam da smo novinari i ja na neki način partneri jer imamo isti cilj. Stalo mi je da se na najbolji način prenese informacija o aktivnostima

teretiti, oraspoložiti”, kaže te dodaje da uz jutarnju kaficu i ona i momak imaju svoje rituale, a njen je šminkanje. “Volim modu, ali ne robujem trendovima. Volim da sam sređena, a najviše volim da se šminkam. Ujutro se obučem za pet minuta, a šminkam se mnogo duže i to mi nikad nije mrsko.”

Kristina zna uživati u kafici s prijatelji-

KRAJNOSTI “Imala sam priliku da kao istražiteljica službeno razgovaram s najopasnijim kriminalcima, ali i sa najranjivijom kategorijom kao što su žrtve trgovine ljudima. Njihove izjave znale su biti jako potresne, ne mogu a da vas ne dirnu, ali sam se trudila da uvijek budem profesionalac”

SIPA-e, a oni to žele za svoj medij, i mislim da smo uspostavili dobru komunikaciju.”

Želje njenog srca

Kristina Jozić uživa u poslu, a s druge strane, sreća joj je naklonjena jer pored sebe ima životnog partnera koji razumije i nju i njeno nepredvidivo radno vrijeme. “Nisam osoba koja želi biti sama. Poslije svega, volim biti s momkom, u nekoj mirnoj varijanti. Volim gledati filmove, romantične i komedije, one koji će me ras-

cama, u skijanju, a iznad svega je sretnom čini porodica. Jedna od četiri kćerke u porodici Jozić, kaže da su roditelji ponosni na nju, a ona je ponosna na njih jer su uspjeli da odgoje četiri uspješne žene. Izuzetno se raduje sestricima, obožava, kako kaže, “te male persone”, koje su donijele na svijet njene starije sestre, i presretna je kad su svi zajedno. Zasada, u Kristininom srcu su samo želje: privatno, da jednog dana postane majka, a profesionalno, da gradi karijeru u SIPA-i te da se kad-tad nađe u mirovnoj misiji UN-a u svijetu.■